

ヘテ三日ニ一度ヅ、兄ノ左京大夫方ヘ參リテ起居ヲ訪フベシ、兄ヲ尊敬スル道也、寒暑風雨ヲ厭フ事勿レ、是弟ニ付ラレタル其身ノ勉メト思フベシ、右京大夫モ左京參リタラバ、隨分是ヲ惠ミ、稽古事モ共々ニ修行セラルベシト教諭セラル、夫ヨリ左京ハ風雨霜雪ヲ厭ハズ、其日限ヲ違ヘズシテ、馬ニテ往來セラル、

〔鸞峯文集五十傳〕丹州兄弟傳

詩云、兄弟既翕、和樂且湛、言其親則爲同胞、其不相離如左右手、故孔懷怡莫如兄弟、豈其尋常哉、丹波國平野邑、民有兄弟、甲曰市左衛門、乙曰與三郎、累世貧賤、不知其姓氏、幼而喪父母、寄食於人、刈草代養、漸長、甲受父之田畝、以務耕耨、乙亦同居而助其勞、每歲納藏不懈、雖水旱凶歲、無未濟之責、邑吏田峻皆稱其精勤、家唯四壁、鋪彙以座、然甲憐乙、乙隨甲、同志相睦、盡力於耕、貢稅未濟、則不食米粒、或貯雜穀、或拾木實、以養口救饑、若幸有餘、則收蓄、以爲來歲之苗種、猶復有餘、則代木綿調一衣、適他則甲乙更著之、如此十餘歲、甲有妻有子、乙猶鰥也、甲爲乙結草廬、分與其田、甲曰、弟久勞劬、可取過半、乙曰、兄有妻兒、則多取之、我獨身、則少分而足矣、相讓而不決、遂中分之、歷數歲、甲爲乙娶妻、分家產與、其半、乙曰、兄多口、我唯二口、得三分之一而足矣、甲不聽、而半分之、乙謝之、受其一分、而返其餘分於兄之妻曰、願以是爲嫂、姪煎茶之料、甲不得已、而如乙之言、家有二牛、一肥一瘦、甲以肥者授乙、乙不受、甲強而與之、乙固辭之、隣人聞而諭之、遂以肥充甲、以瘦充乙、而定矣、凡刈稻收穀、乙畢事、甲未畢事、則乙牽己牛、往甲之田、助成之、且每納貢、兄弟俱出入互扶持、若乙所納早畢、則甲曰、汝其早休、乙諾不去、合力分勞、而待兄之畢事、攜手同歸、每朔望、則乙晨興、拜於兄之家、甲煎茶而待焉、然後兄弟共往田而耦耕、當午而休時、甲赴弟之家、乙豫使妻沸茶而待焉、兄未來、則不敢啜、其茶、甲啜後、乙亦啜之、其友悌愛敬、常常事事可類而知焉、平野邑隸福地山城、寬文六年丙午之夏、有事於丹後國宮津、而城主預役、而發軫、乙在征夫之中、乃託其妻於甲、悉附家食、甲曰、汝能奉上而無恙而歸、我苟在焉、勿勞家事、乙喜而行